

**«С.Ж. Асфендияров атындағы Қазақ ұлттық медицина университеті» КеАҚ  
6D110400 – «Фармация» мамандығы**  
**докторанты Мерурет Ералиевна Амантаеваның философия докторы (PhD)**  
**ғылыми дәрежесін алу үшін «Қаратай көкбасының (*Eryngium karatavicum* Iljin) фармакогнозиялық зерттеуі және оның негізінде фитосубстанция алу»**  
**тақырыбына дайындалған диссертациялық жұмысына**  
**ғылыми кеңесшісі, фарм.ғ.к., аас. профессор**  
**Калданай Каржауовна Кожанованың**

## **ПІКІРІ**

Мерурет Амантаеваның диссертациялық жұмысының тақырыбы қазіргі уақытта өзекті мәселелердің бірі Ұлттық дәрі-дәрмек саясатын іске асыру, халықты сапалы, қауіпсіз және эффективті дәрілік препараттармен қамтамасыз ету, жаңа дәрілік заттарды іздеу, Отандық фитосубстанцияны фармацевтикалық өндіреу, оның ішінде ультрадыбыстық экстрактар негізінде алынған комплексті фитопрепарттардың үлесін арттыруға негізделген. Аталған мәселеге Қазақстандағы дәрілік өсімдіктердің бай қоры негіз бола алады. Ғылыми жұмыстың зерттеу нысаны ретінде алынған Қаратай көкбасының (*Eryngium karatavicum* Iljin) өсімдік шикізатына толыққанды зерттеулер жасалмағандығы анықталды.

Мерурет Амантаеваның диссертациялық жұмысының экспериментальды бөлігі С.Ж. Асфендияров атындағы Қазақ Ұлттық медициналық университеті мен әль-Фараби атындағы Қазақ Ұлттық университеті базаларында орындалды.

Диссертация нәтижелерінің, қорытындылары мен тұжырымдарының сенімділігі мен негізділігі заманауи спектрлік және хроматографиялық зерттеу әдістерін (критикаға дейінгі және кейінгі нүктедегі көмірқышқылды экстракция, газ хроматографиясы, газ-хромато-масс-спектрометрия), фармакопеялық аналитикалық әдістер мен биологиялық қауіпсіздігін бағалау әдістерін қолдана отырып жүргізілген эксперименттік зерттеулердің дәлелдемелік базасымен расталады.

Диссертация тақырыбы Қазақстан Республикасының фармацевтика және медицина өнеркәсібін дамыту жөніндегі 2020-2025 жылдарға арналған кешенді жоспарда қарастырылған Қазақстан Республикасы аумағында өсетін өсімдіктерді пайдалана отырып, зерттеу жұмыстарын ұйымдастыру бағытына сәйкес келеді (Қазақстан Республикасы Премьер-Министрінің 2020 жылға біліктілік қазандары №132 өкімі).

Диссертациялық жұмыс ғылымға айтарлықтай үлес қосады. Оның медицина мен фармациядағы ғылыми-практикалық маңызы диссертациялық жұмыста жақсы анықталған және эксперименталды зерттеу нәтижелерімен негізделген.

Зерттеліп отырған *Eryngium karatavicum* Iljin есімдігіне макроскопиялық, микроскопиялық және гистохимиялық зерттеулер жүргізіліп, морфологиялық және анатомия диагностикалық белгілері анықталып, *Eryngium planum* L. және *Eryngium babadagensis* түрлерімен салыстырылды.

Әртүрлі органикалық еріткіштерде (дихлорметан, петролей эфирі, этилацетат, бутанол) қаратату көкбасы сығындысын еріту арқылы шикізаттың химиялық құрамы заманауи газды хроматография масс-спектрометрия әдісі арқылы анықталды. Нәтижесінде полиацетиленді қосылыс болып табылатын фалькаринол барлық бөліктерде жоғары нәтиже көрсетті (дихлорметанда 25,83%, петролей эфирінде – 38,98%, этилацетатта – 55,40%, бутанолды бөлікте – 23,19%). Экстракты алудың тиімді жолдары қарастырылып, ультрадыбыстық әсермен бөлшекті мацерация әдісі таңдалып алынды.

Фармакопеялық талаптарда көрсетілген өсімдік шикізатының қауіпсіздігі, фармакогнозиялық көрсеткіштері, одан бөлек тұрақтылыққа зерттеулер жүргізіліп, нәтижелері негізделген.

Амантаева М.Е. диссертациялық жұмысының ғылымға айтарлықтай үлес қосқанын алынған нәтижелерді практикада қолдану мүмкіндігі бойынша оқу процесіне және табиғи парк мекемесіне енгізуімен расталады.

- *Eryngium karatavicum* Iljin өсімдік шикізатын жинау, кептіру, дайындау технологиясын Түркістан облысында орналасқан «Сырдария-Түркістан мемлекеттік өнірлік табиғи паркі» мекемесіне енгізу актісі ұсынылған.

- *Eryngium karatavicum* Iljin өсімдік шикізатының фармакогнозиялық зерттеу нәтижелері «Қарағанды медицина университеті» КеАҚ Фармация мектебінің оқу процесіне 6B10103 «Фармация» және 6B07201 «Фармацевтикалық өндіріс технологиясы» білім беру бағдарламаларының студенттеріне арналған «Фармакогнозия» пәні бойынша «Құрамында фенолды қосылыстары бар өсімдіктерді фармакогнозиялық зерттеу» бөліміне енгізілді.

*Eryngium karatavicum* Iljin өсімдігінің жер үсті бөлігінен перколоция әдісімен экстракт алудың технологиялық үрдісі бойынша С.Ж.Асфендияров атындағы Қазақ ұлттық медицина университеті, фармацевтикалық технология кафедрасына енгізу актісі ұсынылған.

Жүргізілген зерттеулердің қорытындысы бойынша қаратату көкбасы өсімдігінің жер үсті бөлігіне, қою экстрактына сапа спецификациялары құрастырылған. Фармакологиялық белсенделілігіне зерттеулер жүргізіліп, бактерияға, зенге қарсы белсенделілігі, антиоксиданттық және цитоуыттылық әсерлері анықталды.

Алынған экстрактының қауіпсіздігі зерттеліп қаратату көкбасы экстрактысының ұытылығы төмен, яғни V топқа жататындығы анықталды.

Зерттеу нәтижелері бойынша ғылыми жұмыс, оның ішінде: Scopus және Web of Science Core Collection дерекқорына кіретін халықаралық ғылыми журналда 1 мақала, Қазақстан Республикасы Ғылым және Жоғары Білім

министрлігі, Білім және ғылым саласындағы бақылау комитеті ұсынған басылымдарда 3 мақала, Халықаралық ғылыми-практикалық конференциялардағы тезистер мен мақалалар (Тәжікстан, Қазақстан) – 3; халықаралық журналда – 1, пайдалы модельге патенттер – 1.

Меруерт Амантаева ғылыми және қоғамдық жұмыстарға белсene қатысты және өзінің зерттеу жұмысытарында фармацевтикалық ғылымның жетістіктерін қолдана білді, теориялық және практикалық білімі жоғары, фармацевтикалық технология мен заманауи сапалық талдау әдістері бойынша біліктілігін көрсетті.

Өзінің еңбеккорлығымен, критикалық ойлау қабілетімен, зерттеу жұмыстарына шығармашылықпен қарайтындығы диссертантты ерекшелегін көрсетті.

Философия докторы (PhD) ғылыми дәрежесіне ұсынылған Молдир Меруерт Амантаева «Қаратату қекбасының (*Eryngium karatavicum* Iljin) фармакогнозиялық зерттеуі және оның негізінде фитосубстанция алу» тақырыбындағы диссертациялық жұмысы білікті, аяқталған ғылыми жұмыс болып табылады.

Диссертациялық жұмыстың қойылған мақсаттары, міндеттері, өзектілігі, ғылыми жаңалығы, практикалық маңыздылығы және нәтижелері 6D110400-«Фармация» мамандығы бойынша философия докторы (PhD) ғылыми дәрежесін алу үшін дайындалған диссертацияға қойылатын талаптарға толық жауап береді, авторы Меруерт Ералиевна Амантаева философия докторы (PhD) ғылыми дәрежесін алуға лайықты.

Ғылыми кеңесші  
фарм.ф.к., Фармация мектебінің  
инженерлік пәндер және тиесті практикалар  
кафедрасының меңгерушісі

 Кожанова К.К.

қолы Кожанова К.К. куәландыратын  
«16» 05 2024 ж.